



Oosie NUUS



ONS OOSIE WÊRELD

11/2025

19 Maart 2025

UIT DIE HOOF SE KANTOOR

Geagte ouers, leerders en personeel

Ek wil uit my hart dankie sê vir die ongelooflike bederf en liefde wat ek op my verjaardag ontvang het. Elke woord, gebaar en verrassing het my diep geraak en my dag ekstra spesiaal gemaak.

Julle het my weereens herinner hoe bevoorreg ek is om deel te wees van hierdie wonderlike skoolgemeenskap. Baie, baie dankie – ek waardeer dit opreg!

Me Susan Theron

Hoof

BELANGRIKE DATUMS EN KONTAKBESONDERHEDE

Belangrike datums

Die 2025 dagboekaktiwiteite is in die leerders se dagboeke beskikbaar sowel as op die skool se [webwerf](#). Let wel: datums van aktiwiteite kan verander as gevolg van omstandighede.

BELANGRIKE DATUMS

- 20 Maart : Skool verdaag vroeg om 13:00
- 20/21 Maart : Wintersport (NWU-reeks te Middelburg)
- 21 Maart : Menseregtedag (Publieke vakansiedag)
- 26 Maart : Mnr en Mej Oos-Moot Gala-aand
- 28 Maart : Skole sluit
- 8 April : Skole heropen met dag 6 rooster

Kontakbesonderhede van bestuur en graadvoogde

Kontakbesonderhede is op die skool se [webwerf](#) beskikbaar.

SKOOL VERDAAG VROEG

Hiermee stel ons u graag in kennis dat die skool vroeg verdaag op:

Datum : Donderdag, 20 Maart 2025

Tyd : 13:00

Rede: NWU-reeks se wintersportwedstryde wat in Middelburg plaasvind.

Belangrik:

- Alle periodes vir Donderdag se rooster sal gevolg word (net verkorte periodes).
- Leerders het steeds hul toetsperiode en toets word geskryf.

BELANGRIKE VEILIGHEIDSKENNISGEWING

Ons doen 'n dringende beroep op alle ouers en leerders om veiligheid eerste te stel wanneer leerders na skool vir hul ouers wag.

Dit is uiters gevaarlik vir leerders om op die sypaadjie met hul voete in die straat te sit en wag.

- 'n Motor wat skielik moet uitswenk, kan 'n leerder noodlottig tref.
- Verder is daar die ernstige risiko dat leerders, wat dikwels op hul selfone gefokus is, binne sekondes in 'n motor ingetrek en ontvoer kan word.

Ons vra almal se samewerking om ons leerders se veiligheid te verseker en versoek alle leerders om binne die skoolterrein te wag vir hul ouers.

SKOOL SLUIT EN HEROPEN

Skool sluit

Die skool sluit op **28 Maart 2025**. Leerders het wel **dag 6** se eerste vier periodes klas en dan die toetsperiode waarna die skool om 11:00 sluit.

Skool heropen

Die skool heropen vir die tweede kwartaal op Dinsdag, **8 April** met die **dag 6** rooster.

AKADEMIE

Graad 10 Veldskool

Die graad 10-leerders gaan jaarliks op 'n Veldskool. Ons wil graag dat AL die graad 10-leerders die veldskool bywoon. 'n Skrywe in hierdie verband is reeds in Januarie in harde kopie aan leerders uitgegee. Die skrywe is by die volgende [skakel](#) (webwerf) beskikbaar.

Datum : 27 tot 29 Augustus 2025
Plek : Kwaggasrus (30 km anderkant Brits).
Koste : R1100-00 per leerder (sluit in verblyf, vervoer, 6 etes, twee nagte se gebruik van veldskoolfasiliteite).

Vir finansiële reëlings en vrae stuur asseblief 'n e-pos na me A Jacobs (finansies@oos-moot.co.za). 'n Reëling moet met die finansiële kantoor getref word, sodat u oor die volgende maande die bedrag in paaiemente kan vereffen. Die volle bedrag moet asseblief teen 30 Junie inbetaal wees. Volledige inligting is in die skrywe vervat.

Graad 12 – Afrikaans (Produksie)

Die Afrikaans Departement is baie opgewonde om hierdie kwartaal aan die graad 12-leerlinge die geleentheid te bied om hul voorgeskrewe boek in lewende lywe te beleef in die vorm van 'n produksie. Hierdie produksie word deur André Stolz Produksies aangebied en beloof om van hoë gehalte te wees. Dit gee ook aan elke leerder 'n visuele uitbeelding van die gebeure in die boek en sal beslis tot 'n verdieping in die begrip van die roman lei.

Datum : 14 April 2025
Tyd en plek : tydens skooltyd in die skoolsaal.
Koste : R110 per leerder betaalbaar teen 28 Maart 2025
'n Skrywe met volledige inligting is aan die leerders uitgegee en op die [webwerf](#) beskikbaar.

Vakveranderings – Graad 10 en 11

Vakveranderings vir hierdie grade kan soos volg gedoen word:

Graad 10

24 tot 28 Maart en in kwartaal twee tot voor die toetsreeks begin.

Graad 11

Slegs 24 tot 28 Maart.

GEDRAGSKODE – AFWESIGHEDE EN UITTEKEN

Ons pleit by ons ouers om toe te sien dat leerders asseblief nie sonder geldige rede van die skool sal wegbly nie. Beperk asseblief ook die daaglikse uitteken van leerders. Dit het 'n geweldige negatiewe uitwerking op ons leerders se akademiese vordering.

Die skool is verplig om weekliks aan die Departement van Onderwys verslag te doen oor die aantal leerders wat afwesig is of vroeg uitteken. Ons wil graag die volgende artikels uit die Suid-Afrikaanse Skolewet onder ons ouers se aandag bring:

Artikel 3 (1)

Volgens die Suid-Afrikaanse Skolewet is dit elke ouer se verantwoordelikheid om te verseker dat hul kind skool bywoon vanaf Graad R in die jaar waarin die kind ses jaar oud word, tot en met die jaar waarin die kind 15 jaar oud word of Graad 9 voltooi – afhangende van watter een eerste plaasvind.

Artikel 3(6)

- Indien 'n ouer, sonder geldige rede, versuim om hieraan te voldoen nadat hulle 'n skriftelike waarskuwing van die Departementshoof ontvang het, kan hulle 'n boete of selfs tronkstraf van tot 12 maande opgelê word.
- Dieselfde geld vir enige persoon wat 'n leerder onregmatig keer om skool by te woon.

Artikel 8(4)

Geen bepaling van hierdie Wet stel 'n leerder vry van die verpligting om die gedragskode van die skool wat deur sodanige leerder bygewoon word, na te kom nie.

Belangrik:

- Leerders wat aan kurrikulêre of buite kurrikulêre aktiwiteite deelneem moet die dag na die aktiwiteite skool bywoon. Indien 'n leerder afwesig is, moet 'n geldige doktersbrief ingehandig word.
- Verder mag leerders nie die dag voor 'n byeenkoms/wedstryd/optrede afwesig wees of vroeg uitteken nie. Indien 'n leerder 'n dokter of fisioterapeut vroeg besoek, moet die dokter spesifiek aandui of die leerder geskik is om aan 'n byeenkoms/wedstryd/optrede deel te neem. Daarbenewens word van leerders verwag om na hul afspraak terug te keer skool toe.

GRAAD 11-BAL

Ons is opgewonde om aan te kondig dat Hoërskool Oos-Moot hierdie jaar 'n nuwe tradisie gaan vestig, naamlik 'n formele Graad 11-bal.

Doel van die bal

- Om fondse in te samel wat spesifiek aangewend sal word vir die huidige graad 11-leerders se Matriekafskied in 2026.
- Om leerders voor te berei vir die Matriekafskied deur hulle bekend te stel aan die formaat en etiket van 'n formele funksie.

Datum : 26 Julie 2025
 Plek : Hoërskool Oos-Moot skoolsaal
 Tyd : 17:30 vir 18:00 tot 22:00
 Kleredrag : Formeel (soos vir Valentynsbal sal aantrek)

'n Formele skrywe, met volledige inligting is aan die leerders uitgegee en is op die [webwerf](#) beskikbaar.

2024 OORSPRONKLIKE Matrieksertifikate en Hermerksertifikate

Die 2024 matrikulante se OORSPRONKLIKE Matrieksertifikate, asook HERMERK Sertifikate is nou by die ontvangskantoor van die skool beskikbaar en kan soos volg afgehaal word:

Wanneer dit afgehaal kan word:

- Maandae tot Donderdae voor 14:00
- Vrydae voor 13:30

Wie dit kan afhaal?

- Die matrikulant self of hul ouer(s) kan die sertifikate afhaal.
- Buitepersoon: In die geval waar 'n ander persoon (buiten die ouer) versoek word om dit namens hul af te haal benodig ons die volgende: Toestemmingsbrief van die matrikulant wat die volgende inligting bevat: Die persoon wat dit kom afhaal se naam en van, ID nommer en die bewoording dat die persoon die toestemming van die matrikulant het om dit namens hul af te haal.
- Afskrif van ID-dokument.

SPORT

In die nuusbrief sal slegs veranderinge en belangrike inligting ten opsigte van 'n sportsoort uitgelig word. Bepalings, oefentye, programme en uitslae van die onderskeie sportsoorte sal op die skool se [webwerf](#) geplaas word (soos dit ontvang word).

NWU-Reeks Wintersport

Die volgende inligting ten opsigte van die opkomende NWU-reeks wedstryde vir u aandag:

NWU-reeks semi-finaal

Die wedstryde vind op Donderdag, 20 Maart en Vrydag, 21 Maart plaas.
 Slegs die hokkie en rugby is betrokke by die semi-finaal op bogenoemde datums.
 Koop NOU reeds u kaartjies [aanlyn](#)

- Hokkie : HTS Middelburg, H/S Middelburg en The Hockey Farm ([Program](#))
 Die spanne vertrek soos volg per bus vanaf die skool.

| Datum | Vertrek van skool | Arriveer terug by skool | Spanne |
|----------|-------------------|-------------------------|---|
| 20 Maart | 10:30/11:00 | 21:00/21:30 | o.14A, o.14B en o.15B (dogterspanne) |
| 21 Maart | 04:30/05:00 | 16:00 | o.15A, o.16A, 2de en 1ste (dogterspanne) 1ste span (seuns) |

- Rugby : HTS Middelburg ([Program](#))
Die rugbyspanne vertrek soos volg per bus vanaf die skool.

| Datum | Tyd | Span |
|----------|-------|-----------------------|
| 20 Maart | 11:00 | o.14B en o.15B |
| | 13:00 | o.16B en o.19B |
| 21 Maart | 05:00 | o.14A, o.15A en o.16A |
| | 09:00 | o.19 |

- Netbal : 20 Maart (laaste rondte NWU-reeks wedstryde teen H/S Waterkloof)
Spelers vertrek om 13:00, per bus vanaf die skool en keer na afloop van die wedstryde terug na die skool (per bus of saam ouers)
[Program vir netbal](#)

Algemeen

Hokkie

Kontak

Die organiseerders kan per e-pos by hokkie@oos-moot.co.za gekontak word.

Kommunikasie

Ouers hoef slegs by die betrokke ouergroep aan te sluit, die spelers het hul eie groepe.

[Skakel na WhatsApp-groepe](#)

Oefentye

Oefentye vir die spanne sal op die WhatsApp-groepe en op die [webwerf](#) gedeel word.

Borge

- Borgbriewe vir alle spelers is beskikbaar by me L Steyn (k102).
- Alle borgbriewe moet voor of op 31 Maart by me L Steyn ingehandig wees.

Program

27 Maart: Oos-Moot seuns vs Overkruin seuns (tuis)

Program sal op die webwerf beskikbaar wees sodra ons dit ontvang.

Toerdatums

Al die spanne is ingeskryf om van 31 Maart – 3 April na Bethlehem te toer. Die toerbriewe is op die ouergroepe versprei en is op die [webblad](#) beskikbaar. Ouers word daaraan herinner om toergelde te betaal.

| Spanne | Datums | Plek | Beraamde koste en betalingsverwysing | Datum betaalbaar |
|------------------------------|----------------------|-----------|---|---|
| Alle ander spanne en spelers | 31 Maart tot 3 April | Bethlehem | R 4000 per speler PR350 speler voorletter+van+span | 10 Maart R200 deposito teen 14 Februarie |

Rugby

Bepalings

Noordvaalliga datumverandering: Wedstryde van 24 April teen **HTS Middelburg skuif na 23 April**.

Blue Bulls Hoërskole Rugbyvereniging se Digitale Tydskrif

- Die amptelike 2025-uitgawe van die Blue Bulls Hoërskole Rugbyvereniging se Digitale Tydskrif is **UIT NOU!!**
 - Hierdie publikasie is propvol eksklusiewe insigte, insluitend die Blue Bulls Hoërskole se wedstrydprogram, opwindende Paasrugbyfeeste, verskeie toernooie, belangrike skoolkontakte en die SA Rugby Jeugweke.
- ➡ **Kry jou GRATIS eksemplaar van hul 2025 rugbyseisoen-uitgawe [hier](#).**

Tennis

Die junior seuns (o.15) se liga begin op 20 Maart.

| Datum | Tuis | Weg |
|----------|---------------|-------------|
| 20 Maart | Eldoraigne | Oos-Moot |
| 10 April | Oos-Moot | Garsfontein |
| 17 April | Hartbeespoort | Oos-Moot |
| 24 April | Oos-Moot | Midstream |
| 8 Mei | Waterkloof | Oos-Moot |
| 15 Mei | Oos-Moot | AHS |
| 22 Mei | Oos-Moot | Noordheuwel |

Oosie Junior Hokkieklub - Registreer nou**Sessies**

14 Maart se sessie skuif na 13 Maart vanaf 18:00 tot 19:00 as gevolg van die NWU-reeks vir hoërskole wat by ons plaasvind.

[Inligtingskrywe](#)

[Oefensessies](#)

KULTUUR**Kultuur ouerondersteuningsgroep**

Die Kultuurkantoor nooi ouers uit om deel te word van ons kultuurouergroep! As jy 'n passie het vir kultuur en graag wil help met projekte soos die herstel van gordyne in die saal of ander kreatiewe inisiatiewe, sluit gerus by ons aan. Jou ondersteuning maak 'n verskil! Teken in via die [skakel](#).

Kontakbesonderhede

Die e-posadres vir ons Visehoof: Kultuur is kultuur@oos-moot.co.za.

Mnr en Mej Oos-Moot**Gala-aand**

| | | |
|-----------|---|--|
| Datum | : | 26 Maart |
| Tyd | : | 18:00 vir 18:30 |
| Plek | : | Skoolsaal |
| Kaartjies | : | Kaartjies kan nou aangekoop word by die Kultuurkantoor (pouses en na skool) |
| Koste | : | R130 (gewone kaartjies met ongeallokeerde sitplekke) R160 (goue sirkel kaartjies) |

Oosie-Engele

*Omgee is om te gee sonder om eers daaraan te dink
of die persone wat dit ontvang, dit verdien.*

Anoniem

Die Oosie-engele wil graag 'n verskil maak vir [Rock of Faith Babahuis](#), 'n plek van veiligheid vir babas. Ons besoek hul op 8 April en sal enige skenking ten opsigte van die volgende opreg waardeer.

| | |
|-------------------|---|
| Purity | Wasgoedseep |
| Squish Puree | Sunlight seep |
| Baby wipes | Jik |
| Doeke (grootte 3) | Kleertjies en kousies vir dogtertjies en seuntjies ouderdomme 6 tot 12 maande en 12 tot 18 maande. |



Skenkings kan tot **7 April** by die skool se ontvangskantoor ingehandig word.

Navrae kan gerig word aan me T Jordaan (t.jordaan@oos-moot.co.za).

Oosie-Lig

Oosie-Lig het verlede week afgeskop. Ons nooi alle Oosies om hierby betrokke te raak indien hulle hulle verhouding met die Here wil groei en verdiep.

Ons vergader pouses in die LO-saal

* Woensdae : Lofprysing en aanbidding

* Vrydae : Woord

Trotse Oosies

Ons vier hierdie maand die waarde van EERLIKHEID deur die tweede lintjie by ons druppels by te voeg en daag graag die Oosies uit om veral in dié maand hierdie waarde uit te leef!

Spreuke 11:3 - Die opregtheid van eerlike mense wys vir hulle die koers.

Die valsheid van onbetroubare mense bring hulle ondergang.

FONDINSAMELINGSPROJEKTE**Afgehandelde en beplande fondsinsamelingsprojekte vir 2025**

| Datum | Projek | Ten bate van |
|----------|------------------------|---------------------------------|
| 22 Maart | Lyndans | Voortrekkers |
| 26 Maart | Mnr en Mej Oos-Moot | Kultuur |
| 27 Maart | Rolbalaand | Rolbal |
| April | PIE PARTNERS (Pasteie) | Skoolsaalprojek (lugversorgers) |

| Datum | Projek | Ten bate van |
|----------------|-----------------------|---------------------|
| April | Koskas Kosinsameling | Kosprojek |
| 20 Junie | Kaskar & Potjie | |
| 25 Julie | Winterkonsert (Orkes) | Orkes |
| 26 Julie | Gr11-bal | Matriekafskeid 2026 |
| 9 Augustus | Colour Run | |
| 12-16 Augustus | Revue | Kultuur |
| September | Knipmes-aand | Sportsentrum |
| 17 Oktober | Lentebal | Kultuur |
| November | Gys Pitzer Gholfdag | Sportfonds |

IGNITE/TOMORROW

Dankie aan al die graad 8's en hulle ouers wat gehelp het met die fondsinsameling vir die lugverkoeling in die skoolsaal.

Die Ignite/Tomorrow *voucher* boekieprojek word nou afgesluit en ouers en leerders word daaraan herinner om die laaste *voucher* boekiegelde in te betaal of die *voucher* boekie aan die voogonderwyser terug te besorg.

Indien u die *voucher* boekie aangekoop het kan u steeds die *MyLifestyle App* aflaai. Die *voucher* boekie se kode kan op die *App* ingelees word as die afslagkode wat steeds aan die koper verdere afslagpryse (ter waarde van meer as R10 000) sal ontsluit.

BUITEPRESTASIES

Hoërskool Oos-Moot het nog altyd trots erkenning gegee aan ons leerders se prestasies, beide binne en buite die skool. Om erkenning op 'n meer gestruktureerde manier te gee, het ons 'n paar riglyne opgestel oor watter buiteprestasies ons op ons platforms sal deel. Navrae kan gerig word aan me C Meyer (bemark@oos-moot.co.za).

Skakels

Klik op die spesifieke blokkie vir die Google vorm.



GELUKWENSE

Baie geluk aan al ons atlete, spelers, deelnemers wat uitstaande prestasies lewer. Jul opoffering, harde werk en deursettingsvermoë word in jul prestasies gereflekteer. Ons Oosies is ongelooflik trots op almal, van die deelnemers tot die presteerders. (*Prestasies word geplaas soos ontvang.*)

WISKUNDE OLIMPIADE (RONDTE 1 2025)

Ons wil graag elke leerder bedank wat op 13 Maart 2025 aan die eerste rondte van die Wiskunde Olimpiade deelgeneem het. Julle toewyding en harde werk is iets om op trots te wees. 'n Spesiale gelukwensing aan die volgende leerders wat deurgedring het na die tweede rondte wat op 15de Mei tussen 14:00 en 16:00 plaasvind:

| GRAAD 8 | GRAAD 9 | GRAAD 10 - 12 |
|--------------------|-----------------------|-------------------|
| Willem Dursema | JD Bronkhorst | Kal-El Brunsdon |
| Anzel Ehlers | Christal Du Plooy | Marlene Prinsloo |
| Ruben Esterhuysen | Jewan Gouws | Marnu van Niekerk |
| Luhan Mans | Caitlynn Heymans | |
| Johann van Niekerk | Tineke Rossouw | |
| | Alexi Swanepoel | |
| | Kaileen van der Merwe | |
| | Francois Wiid | |

Ons wil ook erkenning gee aan die agt leerders wat met slegs een vraag verskil die tweede rondte misgeloop het. Julle prestasie was uiters indrukwekkend, en ons moedig julle aan om aan te hou om jul wiskundige vaardighede te slyp. Elke poging bring julle 'n stap nader aan toekomstige sukses!

Baie dankie vir julle harde werk en toewyding. Ons wens die leerders wat deur is na die volgende rondte baie sterkte toe. Mag julle voortgaan om skerp te dink en jul beste te gee!

NETBAL GAUTENG PROEWE: Agt van ons Oosie-spelers (die grootste groep tot hede) is na afloop van die Distrik D3-, Interdistrik en Tshwane proewe deur na die Gauteng Proewe wat op 22 Maart te Hoërskool Florida plaasvind.

| o.18 | o.17 | o.16 | o.15 | o.14 |
|-------------------|-------------------|--------------------|---------------|----------------|
| Aretha de Beer | Veronique Barnard | Katelynne Jefferey | Diane Joubert | Skylar Vraagom |
| Kathleen Taljaard | | Megan Ferreira | Liyema Tom | |

KOMPETISIE



PicknPay Waverley het hierdie jaar weer hul jarelange aankoopstrokie kompetisie vir skole in die MOOT geloods. Ondersteun ons skool asseblief en plaas u PnP Waverley aankoopstrokie in die houer gemerk OOS-MOOT.

ONS BORGE – BAIE DANKIE

Ons sien daarna uit om nuwe borge te verwelkom en ons verhoudinge met beide ons jarelange en nuwe borge te versterk en daarop voort te bou.

Belangrike Kennisgewing: Borgskappe

Ouers en leerders word vriendelik versoek om eers 'n amptelike skrywe by die skool te verkry (by die onderskeie organiseerders van ons skoolaktiwiteite) voordat hulle 'n borg nader. Ons borge ontvang talle versoeke, en ons wil hierdie proses beter bestuur om hulle tegemoet te kom. Dankie vir julle samewerking.

ADVERTEER IN DIE NUUSBRIEF

Daar is geleentheid om in die skool se nuusbrieff te adverteer.

- Die nuusbrieff word weekliks elektronies, per e-pos via die skool se d6-sisteem, aan die ouers (2200+), personeel (108) en al ons leerders (1500+) gestuur.
- Die nuusbrieff word weekliks op die webwerf geplaas waar dit vir die hele jaar beskikbaar is.

Indien u belangstel volg asseblief hierdie [skakel](#) vir die pryse en vorm of kontak me M Senekal (webblad@oos-moot.co.za).



ADVERTEER IN ONS NUUSBRIEF 2025

Die nuusbrieff word weekliks versprei via die skool se d6 Connect toep en per e-pos na ons ouers (2000+), personeel en leerders gestuur. Die brieff word ook op die skool se webwerf (www.oos-moot.co.za) geplaas waar dit die hele jaar beskikbaar is.

Kostes vir 'n A6 advertensie

| | |
|---------------------------|------------------------------------|
| 1 plasing per maand | R350 |
| 2 plasings per maand | R500 |
| 3 plasings per maand | R700 |
| 4 plasings per maand | R900 |
| Plasing vir die hele jaar | Maandelikse bedrag x 11 (% afslag) |

*A4 advertensie ook beskikbaar op versoek.

Formaat

- Advertensies met 'n voor- en agterblad word as twee advertensies beskou.
- Advertensies moet in 'n elektroniese formaat gestuur word (JPEG of PNG).
- Geen PDF of geskandeerde advertensies word geplaas nie.
- 'n Advertensie sal slegs geplaas word na goedkeuring en betaling.
- Let wel: "Landscape" formaat advertensies moet gedraai word om in die "portrait" spasie te pas.

Stel jy belang?

Kontak Mariëtte Senekal by webblad@oos-moot.co.za

Waverley

Wiskunde & Wetenskap



Sentrum

Vakke wat by die Wiskundesentrum aangebied word.

- Wiskunde graad 1 tot 12, asook Wiskundige Geletterdheid en Tegniese Wiskunde.
- Rekeningkunde graad 8 tot 12.
- Afrikaans graad 1 tot 12. Engels graad 1 tot 12.
- Wetenskap graad 10 tot 12 sowel as Tegniese Wetenskap
- **Career Direct:** Aanlegtoetse, vakkeuse, beroepskeuse en beroepsleiding

Aanvullende onderrig + Beroeps
- & Vakkeuse toetsing

Marina Stander - 083 259 8913



INTRODUCING TIMBERWARE

Where nature meets craftsmanship!

We provide

Bulk or smaller quantities available:

- **Raw/PAR Timber:**
Ash - American 25/38/50mm
White Oak - American 25/38/50mm
Meranti 25/38/50mm
All Brown Kiaat 25/50mm
Rhodesian Teak 25mm
Saligna 25mm
Pine 25/38mm
- Standard Doors
- Standard Door Frames
- Custom Floating Shelves
- Screws, Glue & Silkwood

Gert-Jan / Laurike:
072 383 2628
info@timberware.co.za
49 Eland Street, Unit 17
Koedoespoort
Pretoria



HIP-HOP DANS KLASSE

13-18 JAAR



WEEKLIKSE KLASSE |
EKSAMENS |
KOMPETISIES |
PRODUKSIES |

KONTAK KARLA: 061 628 7789 |
EPOS: INFO@KINGDOMSDANCE.CO.ZA |



Oosies

OPEDAG

14 Mei 2025

JOU OMGEE UITLEEF SKOOL